



Info Sukan



Info Sukan

KEJOHANAN OLAHRAHA TERTUTUP KUKUM 2006

Kolej Universiti Kejuruteraan Utara Malaysia (KUKUM) menganjurkan Kejohanan Olahraga Tertutup KUKUM yang buat julung-julung kalinya diadakan pada 25-26 Mac 2006 bertempat di Maktab Perguruan Perlis, Behor Pulau, Kangar, Perlis Indera Kayangan.

Menurut Nurul Amri Ahmad, Pengerusi Kejohanan, berkata, Kejohanan Olahraga Tertutup KUKUM 2006 ini yang di bawah pengurusan dan pengawasan Unit Sukan KUKUM, diadakan bagi menarik minat warga KUKUM untuk berkecimpung di dalam bidang sukan selain dijadikan platform untuk memilih para pelajar dan juga staf bagi mewakili KUKUM ke Kejohanan Sukan Staf Antara Universiti Malaysia yang akan datang.

Kejohanan yang akan dijadikan sebagai acara tahunan dalam kalendar sukan KUKUM itu kata Nurul Amri lagi, bertujuan untuk menggilap bakat sukan di kalangan warga KUKUM untuk diketengahkan ke peringkat yang lebih tinggi. Penganjuran kejohanan ini juga secara tidak langsung dapat mengeratkan lagi hubungan silaturrahim sesama warga KUKUM yang jumlah keanggotaan ahli keluarganya semakin bertambah hari demi hari.

Seramai lebih kurang 1,000 orang warga KUKUM dijangka akan terlibat di dalam kejohanan olahraga yang akan mempertandingkan sebanyak 12 acara yang dibahagikan kepada dua kelas kategori yang melibatkan kumpulan pelajar dan staf KUKUM yang terdiri dari pelbagai jabatan dan pusat-pusat pengajian.

Acara yang akan dipertandingkan pula adalah mengikut acara yang terdapat di dalam kejohanan olahraga yang pernah dipertandingkan di kejohanan olahraga Majlis Sukan Universiti-universiti Malaysia (MASUM) dan undang-undang kejohanan menggunakan undang-undang yang telah ditetapkan oleh International Trek Federation (ITF). Antara acara yang akan dipertandingkan ialah 100m, 200m, 400m, 800m, 1500m, 4x100m, 4x400m, lompat jauh, lompat tinggi, melontar peluru, merejam lembing dan melempar cakera.

Yang Berhormat Tuan Haji Ismail Osman, Setiausaha Kerajaan Negeri Perlis telah sudi untuk merasmikan penutup kejohanan dan menyampaikan hadiah kepada para pemenang.



WAWASANKU

**Kolej Universiti Kejuruteraan
Utara Malaysia
Ilmu Keikhlasan Kecemerlangan
Wawasan Jiwa Kita**

**Berdikari, Rohaniah
Berteknologi
Pemimpin Berbestari
Untuk Bangsa, Insan Dan Umat Dunia
Negara Yang Tercinta**

**Kolej Universiti Kejuruteraan
Utara Malaysia
Ilmu Keikhlasan Kecemerlangan
Wawasan Jiwa Kita**

Penasihat: Lt. Kol. Prof. Dato' Dr. Kamarudin Hussin
Penerbit Eksekutif: Prof. Madya Dr. Zuraidah Mohd Zain
Ciptaan: Fauzi Marzuki
Lirik: Prof. Madya Dr. Ismail Abdullah

Hak Cipta: Kolej Universiti Kejuruteraan Utara Malaysia

